

ULBANKA MAIRIN RAITKA

#MUJERES
POR LA
Vida





Gobierno de Reconciliación
y Unidad Nacional
El Pueblo, Presidente!

2020
TE Nicaragua

PATRIA!
PAZ!
PORVENIR!

MINISTERIO BA MAIRIN DUKIARA

ULBANKA MAIRIN RAITKA

MARIKANKA

Gabament pana pana suapnika swih tikaia ba bara kuntri aiska aslika ba (GRUN) pramis brisa mairin nani raitka ba yaka aimakaia.Kau kuntri Nicaragua.ra wauhkataya tara ra pali bara sa, Kuntri aiskara upla pawanka dukiara bara sin lata tanira ai kuki âu win nani ba nikbanka dauki auya bara baha raitka nani kaina sunisa, alki daukisa kuntri apiska nani bakku ,bara gabament warkka ba yaka aimakaia ,bara taura brih waya waitna mairin wal kulkanka kumi ba raitka bara yabal nani waitna mairin wal kumira kabia.

Ta wina ninka pyua ba sandinista aisukanka sut param ra mani 2007, baha maulka ba yus muni aula ba kulkanka kumira wabia dukiara, bara ta mangkanka kum baku, bapanka ba sika taura brih waya |dawanka baku takbia lalah tanira ba ra,lukanka, upla iwanka tilara,bara mairin nani tnatkara, bara ai taya nani pawanka daukanka bakku, smatka nani dukaia luki nani,dia dukaia luki ba ridika, ta baikisa aiskara upla pawanka dukiara.

Naku tankara Mairin Ministerioka ba (MINIM), walka aikuki aisi tasba aiskara plun dukiara warkka tara dauki sa aikuki,bara kiamka ailal asla takanka aikuki (WFP), marikisa nahe wauhkatayara smalkanka karna dauki waya dukiara,{ sinska tanka ba mairin nani raitka dukiara, bara la nanira sin GRUN,bui yus muni ba taura brih waya laman laka tnatkara kat baman yamnika lakara ta baikisa kau yaka taura waya dukiara laman laka tnatkara sut yamnika dukiara.

Carmen (tawan sirpi wina ta upla tiara kum): ¡Yamni buram! ¿ Doña Panchita bara sa?



Don Samuel (Doña Panchita maya waitna):
¡yamni buram! Au pat ridi takisa, pyu prahnira
bal takbia; bara Carmencita dahra
ai wis nanara ¿dia tilara dimi
tauksima ? ¿upla raitka ta tukbi
tauksima wisa.?

Carmen (Tiara tawan sirpi wina ta uplika takan): Au don Don Samuel, kaiks smalkanka kum kum briri bara lan takri kuntri wauhkataya tara nicaragua briba, kahbisa upla nani sut ba aikuki kumisa la mawanra, ani kiamka wina sapa kaikras tanka ra, apia ani kuntrika wina kabia, ani pütkara iwi ba wina sin apia, díá sat taya mapla bri kabia, religian ka apia dia satka wala kabia, Yawan sin wan raitka brisa, tnatka, wina tara yamnikara baku, kul smalkanka. Yawan sut raitka brisa sut ba ulban sa tasba aiskara param sakan raitka nani dukiara barasa .

Don Samuel Doña Panchita maya / daukanka nani, Afrika kiamka baku): ¡Ah uba yamni Carmencita, baha yang tanka briras kapri!



Ninka wala war tara tasba aiska aiklaban pyuara baha luan ninkara ,1945 ra Europa kuntrika nani ailal ba sauhki tikan kan, bara sin upla ailal pali pruan bara raitka nanira sauhkan sibrinka saurka nani dauki swin kan ba baha war tara takan ra , baku munan Europa kuntrika nani ailal kupia kumi lakara wan dia nitka bri ba kat pri laka ba, la bara baku mita 1948 manka ba sain munan tasba aiskara nanira kulkanka yabaia dukiara .

Doña Panchita (Don Samuel doña Panchita): Bara yang naiwa kat walisna baha raitka dukiara wi ba, baha mita smalkanka dauki bara lan takaia waisna.



Carmen (Tawan sirpi wina ta upla kum): Nahara raitka nani kum kum dukiara nina makaisna,yawan nani sut brisa “Rayaka raitka”, “Plun bri kaya raitka”, “Kul brin kaya raitka ”, “utla dimi kaya raitka”, “Wina tara yamnika raitka”, “ dia aisai a raitka pri laka bri kaia”, Rau sauhkan apu iwaia raitka ” baha, wala nani tilara...



Doña Panchita: ; Ah baha upla raitka nani kaikisa sakuna nanara kat kan patitara mairin nani sut sip aisi kaiki lan takras kan, bara sin sip ulbi lan kaikras kan, kau tukta kapri pyuara kul ra waras kapri ,kan lalahkira nani baman sip kan kul briakia, nanara kat smalkanka “Yang lika Sipsna ” ba tilara sna Sandinista Cabamentka tatukbi aula patitara apis kumi sin apu kan nikbanka daukaia upla umpira nani dukiara, but munaia raitka sin apu kan, Carmencita naha wal sut mai wisna .



Carmen: Kasak sa, Doña Panchita, smalkanka ra tanka wan wikan kan bara yaban smasmalkra mairin bui MINIM 2007 manka wina ba mairin an waitna laka ba raitka yaban sa, programa an proyecto nani bilkak ku.



Nicaragua Matira aiska ra,mairin nani waitna nani ba aiklabi aula ai raitka yabia dukiara, Praki kaikbia kaka mairin nani, Doctora Concepción Palacios Herrera ba tasba tara baiki sakan Saucera aisuban Sauce Leon tasbaia ra. 1927 mankara pas mairin Centroamérica ra taura witin daktara takan uplara biara klakaia.

Don Samuel: Ummm sakuna nanara mairin nani raitka dukiara baman aisia.



Derek (Don Samuel mulika) damiki: Apia, waitna nani sin yawan alki daukisa raitka nani dukiara, kupiam krauks yang ridika kulka tnata alkisma moto paskaia INATEC ra bahara mana ai briras dala kum sin apia; bara man kat sin yamnika briram mirakil warkka dauki aula ba wal, aparit munan mana luha bara man nusma makabras kapram Aparit munangkan uba mana brisa klauna clínica nanira bri nanira.





Carmen (Tawan sirpi ta uplika mairin):
Waitna mairin sut yawan alki daukan nani
raitka dukiara.

Tawan sirpi tanira, yaban sa plun ma sakaia
dukiara mairin nanira pata dakakaia, baha
wal raitka ba kli yaban ai pata bri kaia plun
raitka ba bara taika nani diara apu nanira,
bara mairin nani lalahka dawanka takaia
mairin nani ba ta baikanka bakku yabisa,
dia kum anira lakaia kaka sin GRUN daukisa,
Managua ra truk waki nanira,baha mita wan
munan yawan ruta wal impakisa, tanka kum
talika wal,dala wal pura bakriki.

Doña Panchita (Don Samuel maya mairin): Samuel kaiks kupiam krauks aim atras makabi tauki kapri bisnis lupia kum mangkaia dukiara, bara aim aumi sin aikras kan,sakuna nanara tras ka na wal,sin aikan kau pura prakanka apu wal aikan ; klauna nahki pali wan ta baikan!, yang sin dadaukra kum sna,kan klauna lalahki brisna mita, bara kaikamna dia dukiara, an baku sin helptakisa pana pana wan traska aibapaia.



Don Samuel:
Kau tuktan
kapri pyuara ta
baikanka sut
bara kan kaka
nanara baku,
yaptiki ba kau
brinka wala nani
brikaia kan.



Carmen (Tawan sirpi ta uplika mairin): kaisa Doña Panchita pat wan pyua lui auya, smalkanka briaia kul watlara, kli wal praubia Don Samuel.

Carmen Carmen (Tawan sirpi ta uplika mairin): ¡Yamni buram!




Solky (kul tuktan tiara taura aimakisa Afrika kiamka mawan brisa,): ¡Yamni buram ! Uba yamni bali banghram ba, smasmalkra mairin ba pat nara sa mairin Ministerioka wina.



Smasmalkra mairin MINIM: Bara yamni buram waitna mairin nani sutra, wan smalkanka ba ta krikaia. Naiwa yua na sinska laka ba mangka mairin nani raitka dukiara, baku sa, bara dia warkka nani daukaia sa, pana pana swapnika swih tiki kuntri aslika Gabamentka bui daukaia, mairin nani dawanka takia kulkanka kumi, bara raitka nani dukiara bara yabal nani briaia waitna mairin wal kumira diara sutra..


Rafael (Kul tuktan wahma ta uplika):
Yamni pali sa, bara walisna diara raya
kum lan takamna kan naiwa ra walisna baha
mairin raitka dukiara.



Doña Panchita: ¡Aitani
pali mahka wark
daukaia!


Smasmalkra mairin MINIM: Nanara
brinki kabia yawan tanka pliki kaikaia naha
makabi walanka nani na ¿Ya bui daukanka
nani waitna bara mairin ra yabisa?

Solky: Daukanka nani ba wina tarara
rayaka baku ba yawan brih aula aisubi
takan ba wina mairin bara waitna sin.



Doña Panchita: Aitani, yang tawan sirpira pauri, sirpi lupia
wina kuala tuskaia lan aidaukan, ayan daukaia utla bila klin
briaia, muihki sirpi nani kaina sunaia; yang kupi sauhki kapri
kan laikra waitna nanira aima kumi sin baku wark yabras kan,
aisiki ba aiwi kan baha ba mairin nani warkka, witin nani insla
warkka baman dauki kaya. Sakuna luhpi nanira waitna bara
mairin yang smalkisna diara sut daukaia, baku bara utla warka
bakanu daukaia.

Rafael: Yang lan takanka saura kum kulra luri kau tuktan kapri pyuara, sakuna painika nani laiwaska kiki kan. Witin nani sin sinskira, Lilia, karna an lukan param brisa, yang ba pulaia kapri bal nani ba wal ai wikan.



Smasmalkra mairin MINIM:
Lanka takanka bri Rafael an wiba
yawan tanka brisa kulkanka satka
nani ba, aisuban tanka ba mihta.
Ba patat wan skulka raya ba wan
smalkisa nahki pakai latuan
lakara tuktan mairin an waina
daukanka an sipka brinka briba.

Carmen: Bara ¿Dia ba upla wala
daukanka lan takaia ba ai tnatka
nahki ban takan ba wal?


Smasmalkra mairin MINIM: Upla wala daukanka alki bri kaya ba ai tnatka nahki ban takan ba maulka nani sa, nahki waitna bara mairin nani daukanka bri kaya ba bara waitna nani bui smalkisa; bara ai tnatka ba baku kulkisa, pyua kum wina. sipsa upla iwanka ba sat wala takaia, sakuna naha wapanka kum sat wala takaia nitsa yakan kabia,bara bakahnura kabia. Upla iwanka tilara.




Smasmlakra mairin MINIM:

Satka wala daukanka upla wala wina lan taki ba ai tnatka nahki ban takan baha mita munisa daukanka ba pain kaya, apia saura kaikaia kumi bani waitna apia mairin ba tawan aisia bara alki daukbia. Tanka ba, daukanka bara ba sipsa daukaia wisa, waitna nanira sakuna mairin nanira lika apia sip daukras.

¿Yus muni ba kaikram Dia praki kaikanka wala upla wala daukanka ba kaikram apia alki daukram man nani?



Solky: Ah yang lika baha daukanka bakku luri, upla wala daukanka nani ai wina natkara, yang taimkira, kul dimaia brinki kan, yang lika truk paskaia mikianikka dimaia brinki kan INATEC sakuna yaptika yangra, adar aikaia ai brinka apia kan, aiwikan baha ba wark uba karna, sakuna smasmalkra waitna ba INATEC yapti ki wal aisaia wari, bara tanka wiri mairin apia kaka waitna warkka bahara apu win, wal sut sipsa yawan dia warkka kabia daukaia wan karnika mangki, dia warkka wan brinka kaka, dia kum daukaia ba wan ta baikaika mangkaia. Uya pali tingki wisna smasmalkra waitna ra, kan kul dimi ba tnata alkri, kan bara nani wal alki dauki lan takisna kampany kum ra; ai winsa wark pain daukri bara sip sa win, bankra wark kum aikaia.



SMASMALLKRA MAIRIN MINIM: Dia lan takanka ba wal wan marikisa yawan aikuki baiki saki brisa, marikanka ba bara sa, upla wala daukanka ba saki swiaia ai wina natkara ra sipsa sat wala lakaia , baku sin famali an tawan aikuki pramis takbia, sutra kulkanka kumi ra baku ba alki daukaia bara raitka nani bara yua yamni nani mairin ra waitna nanira, waitna bara mairin nanira. GRUN ba wal sutra kulkanka kumi yabaia maulka wina ,bara ta mangkaia taura brih waya alki dadaukra baku mairin nanira bara sut dukiara yamnika waitnara bara mairin ra.

Doña Panchita: ¿bara dia ba kulkanka kumira
maulkra ba, bara ta mangkaia ba ?



Smasmalkra mairin MINIM: Kulkanka kumi maulkara bara ta mangkaia dukia nani kaikisa raitka nani bara dia daukaia sip ba , bara karnika Lanka nani briba upla nani sut taika tilara ba. Taura brih waya tanka aikuki iwanka aitani pali kulkisa waitna bara mairin nani upla iwanka ba laman lakara sa mairin bara waitna nani ai warkka kahbi pyuara, laman laka, la lakara, bara kulkanka kumira laka ra Mairin ta brira nani aikuki.

Rafael: Yang walri kulkanka kumi kaya dukiara aisisa bara waitna mairin wal kumi sakuna ¿Sim sat apia wal sut ba ?




Smasmlakra mairin MINIM: Kulkanka kumi ba sin sat apia waitna mairin walra kulkanka kumi baku yabaia; yawan kulkanka kumi waitna mairin ra yabaia dukiara aisi, bara yawan aisisa kuntri wauhkataya tara ba lukanka dukiara, bahara kahban sa upla nani sut ba sim sat baman la mawanra, praki kaikbia kaka, waitna sut mairin sut raya kaya wan raitka brisa Sakuna kulkanka kumi ba uplara kasak yamni munanka kum kasak tankara, raitka yabisa kau siptakbia mairin nani ra an waitna nani ra.

Solky: Yang walri GRUN ba ta brisa programa nani an proyecto nani mairin raitka dukiara.

Smasmalkra mairin MINIM: Programa nani an proyecto nani mairin raitka yabi ba alki daukisa GRUN kli raitka yabaia mairin nanira kulkanka kumi ba briaia. Waitna/mairin wal ba nitka nani yabisa, bara pura prakanka mairin bara waitna nanira satka nani ba daknika bara sa, ta bri waia an kau karna ta brira nani lukanka briaia, lalahka ridi daukaia, pura praki kaikanka kum baha wina 50% ba wark tatakra mairin bahwisa.





Smasmalkra mairin MINIM: Programas an proyectos nani tilara dauki aula bara taura brih auya ba GRUN bara mairin raitka mita dia satka warkka nani wal, ba:

- Paski dauki ba, ma sakai a warkka plun nani wal, baha wal upla nani raitka kli yabisa mana luha yabisa, plun ma sakai a dukiara, baha wal sin kli raitka yabisa bara pyu banira plun bri kaya plun karnika mairin nanai tawan sirpira bara taika nani sut aikuki.
- Kau tara daukan bara kakaira sa lalah baha wina bal dimi ba mairin nani warkka wina lalah ra tras yabi ba wina.
- Smatka upla lukankara aisubanka bara tuktan aisubaia watla nani paskaia aisubi bri nani watla paskaia rayaka raitka baha wal yabisa mairin bara ai luhpia nani, waitna bara mairin aikuki...
- Mairin nani ba ai lukanka raitka ba alki daukisa taura aimakanka bakku gabament warkka nani dauki tilara, kuntri aslika tila ra kabia, La karnika aitani kat tawanra Gabamentka wal, apis nani ban ban, etc., Baha tilara watlikara 50% kau pura aiska ba wina uplika nani warkka nani daukisa.
- Kul mana luha dimaia raitka brisa bara kul pain kaia satka sutra baha ba mairin waitna nani dia mani bri kabia sin raitka nani pali dukiara kaya sa..


Solky: ¡Naiwa daira walisna diara ailal lan takri ,kau pali ba gabament dia dauki aula ba dukiara wan raitka nani aimakbia dukiara! Sakuna yamni lukamna tanka briaia ¿Dia laka nani bui upla raitka nani kaina sunisa nicaragua mairka nanira.?



Smamslakra mairin MINIM:
Tingki manas makabi walanka daukram dukiara nanara yawan lan takaia Solky, kau la nani kaina suni ba dukiara mairin bara taika nani raitka dukiara..



Playa mangkaia maulka alki briba waitna bara mairin wal kulkanka kumi bara ta mangkanka kum Nicaragua



Gabament lukanka dauki waya , baha ba taura aimakisa comandante Daniel Ortega bara wan panika mairin Rosario Murillo

Ulbanka lal . 27: kuntri wauhkataya tara ra “ Upla nani sut ba sim kulkanka brisa la mawanra bara sim raitka sin kaina sunanka”.

Ulbanka lal . 1 Ley 648: “Nikbanka daukaia kulkanka kumi kaya dukiara raitka yamni ka nani briaia , tawan uplika nani ,lukanka, lalah tanira upla iankara bara ,bara tnatka nani mairin nani tilara”.

kulkanka kumi ba mairin bara waitna nani baha tilara sin upla nani raitka kum sa baha ba smatka nitka kum sa upla iwanka paskaia dukiara bara pawan sa iwanka bara lalah tanira.

Pawaia pali kupia sa waitna bara mairin kulkanka kumira “taura ban brih waya nikbanka dauki taura aimakaia warkka dauki waya mairin nanai taura aimaki dukaia tilara kaya ba dukiara itin tilara dimaia dukiara,lalah tanira. Lukanka bara upla iwanka .!“.

La nani bui kulkanka kumi kaya yabi ba waitna bara mairin nanira lukanka raitka alki daukankara

La 648 (2008)	Tasba sirpi baiki sakan laka Kli la raya daukan , La 786 (2012)	La raya kli daukan liksan laka ba, La 790 (2012)
<p>Yabrika aimakaia kulkanka kumira ba, mairin bara waitna aikuki lukanka raitka nani tilara (ulbanka lal 7.8)</p>	<p>Alcalde bara ai ninka wal ba consejal nani taura bara ninka nani; paski daukaia sa ,kulkanka kumira ba tanka bara wal kumi wark nani karnika ra tawan bilara , baha tanka ba, witin nani kumwina, Alcalde apia kaka ninka ba mairin kaya sa ,baha wal kulkanka kumi ba kahbisa tilara (ulbanka lal .19).</p>	<p>Lukanka matu daukanka nani bakku apia kaka aikuki wilkanka daukan dakni nani wilkanka tilara dimbia, tasba sirpi baiki sakan liksan nanira , kuntri aisika nani kuntri aslikara bara Parlament Centroamericana witin nani bui marikaia sa, ya uplikara mangkaia bri ba Bakriki baku praiska waitna bara mairin sim sat sim wal baku kulki yabaia bara marikaia walka aikuki pana pana dauki waya (Ulbanka lal. 82).</p>

La nani bui karnika yabisa mairin kwihra nani wark taki ban nani raitka bri

WARK LAKA NANI (KLI
LA RAYA DAUKAN NANI
AIKUKI NANI ,PURA
PRAKAN BARA TANKA
KA5AK NANI LA N°185)
, KARNIKA YABAN WIS
KATI 5 MANI 1996 RA

Ulbanka lal 141.- War tatakra nani kwihra sa kaka raitka brisa riska yabaia taura wlik walhwal ,ninkara bara tuktan baikan ninkara kati wal yaka ris briaia, kau pali ba sutki nani baku aisuban kaka,ailal apia kaka matawal sip kat, warkka mana kau yamnira yabaia, saura kulkanka apu daktar dingkaia upla iwanka kaiki nani ba ai pahpaiara sunaia ,kan witin nani ai mihtara sa kaina sunaia yapti takan nanira. Ris briaia pyua ba kulki kaikan kabia kasak warkka nani ba mani ailal wark takan raitka dukiara, aiwatlara ris yabaia wark takoia apia pyua bara mana tnata lalahka sin yabaia yua tara bali bara.

Ulbanka lal 143.- Wark dawanka ba bui yabia wark takoia pliska kasak kum bara iwaika nani wark uplika nani dukiara kau pali tialara bri nani. Wark pliska nanira mairin nani 30 wark dauki nanira, Wark dawanka bui pliska wapi daukaia bara watla kum paskaia aitani kat ai luhpia sirpi nani tiala dakaia dukiara. Wark mairka nani, tiala dakaki pyura tuktan tiala dakaki pyura,wark pliskara yabi kabia 15 minit nani awar yuhmpa banira wark dauki pyuara tukta pata dakakaia dukiara baha pyua ba wark taki kan baku kulkai sa.

APIS ÂU TAKANA N°.
JCHG-005-05-07,KARNIKA
YABAN LI MAIRIN KATI 15
MANI DE 2007 (MITRAB)

Ulbanka lal 2.- Ministerio âu win yaka aimakaia ba la ulbi sakan wark laka daukia apiska lalka ba mita wark apiska adarka mita pastara kati 28 mani 2000, apia pali win mairin wark pliki waka talia angki kaiki daukaia kwihra sapa kaikaia dukiara dauki ba, walaia apia kaka taibi munaia, bara sin dawanka brinka apia kaka sin sip daukras tanka laki kaikanka ba wark dauki pyuara sin.

La nani mairin an waina raitka nani yabi ba, politicka warka



Artikulo 1.- agosto pas wekka ba, mani bani yapti tiala laya wekka sa wan kontry ka aiskara, baku bara main kaikaia an brih ban waia baha yapti taila laya yabi ba ban brih waiai.

La nani mairin raya iwaia rau sauhkan apu raitka kaina sunisa



La
No. 779
(2014)

La aiska rau sauhkan ka mapara mairin nani dukiara ba, bara la raya daukan nani La No. 641, “La ra kahbaia”, la raya daukan nani aikuki .

La
No. 896
(2015)

La uplara watla wina tani walara laki ba laka.

La
No. 985
(2019)

La laman laka tnatka kum daukaika aikuki aisi tanka briaia pana pana swapnika swih tikaia kaina kahbaia wark bara laman lakara.

La nani plun bri kaya bara plun karnika raitka yabisa bara raitka brisa tawa sirpi mairka nanira



**La
No. 693
(2009)**

La plun bri kaia bara aitani
kat plun bara karnika briaia.

**La
No. 717
(2010)**

La tasba atkaia lalahka
paskaika tanka kulkanka wal
waitna/mairin tawan sirpira
nani dukiara.

**La
No. 757
(2011)**

La aitani kulkan ka wal
uplara alki daukaia kaya
Wal kulkanka kumira indian
tawanka nanira bara África .



Smasmalkra mairin MINIM: Kasak kulkanka brisa marikaia la nani aihkika ba Nicaragua luhpia nani raitka Sandinista Gabament ka bui a dukiara aisi sa bara mairin nani blikiaia mairin nani dukiara kahban sa,kau pali ba, baha taura ba Comandante Daniel Ortega Saavedra, baku bara taura auya baha wina ninka pyuara Aisukanka wala balan ra.

Nicaragua kuntrika ba lata
tani wina kulkanka tara yaban
pawanka ailal dauki aula
ba dukiara, upla raitka nani
dukiara, mairin nani dukiara
GRUN dauki auya ba mita:



- America aiska asla takanka wina tara yamnika dukiara ba (OPS), pura sin kulkanka yaban taura nahki impaki ba ,pura luanka nani alkan ba Gabamanet pana pana swapnika swih takiba kuntri aslikara,wina tara yamnika raitka kli yaban ba, kau pali ba mairin luhpia aisubi pruaia apia dukiara mani 2011 Mana luha kulkanka tara kum Casa de las America bui yaban ai warkka tara dauki aula ba dukiara aisubi watla smatka nani tilara sa. Aisubi watla smatka kum daukan.
- Aima yuhmpa nina pura luanka brisa ,Nicaragua nina pura luanka ba taura aimakisa ,kuntri nani sut tilara aimar 5 ra sa, tasba aiskara kulkanka wal, tasba aiska matira bara wisa mairin dukiara daukan ba aiskara mani 2020, lalah tasba aiskara tanka kakaira nani bui, yabisa mairin raitka nani ra kulkanka yaban ba wina bal takan ka kum GRUN dauki aula bara.
- Nicaragua brin kulkanka yuhmpika mairin kau ailal ba wal,wark satka apis waki nanira bara matlalkahbi pliska yaban kau mairin ailal tilara kan kuntri aslika tilara ba mita. Naha matira bila wisa bara ulbankara “Mairin nani Politik ra 2020”, Unión Interparlamentaria (UIP bui paskan bara ONU wina mairin nani dukiara.

Facilitadora MINIM:
Kaisa mahka tnata
praki waya, brinki
kabia tanka briaia
¿smalkanka nani ba
nahki kaikram ?

Don Pedro: Daira walisna diara ailal lan takri,
waitna mairin wal kukanka kumi ba, mairin
raitka dukiara.



Doña Panchita: Yang lilia daira
walisna nanara tanka brisna la ailal
bara sa bara mairin nani raitka
kaina sunisa, yawan mairin nani;
wan raitka, sakuna sin yabisa tuktan
kwarika nani bara wahma tiara
nani raitka, upla almuk nanira upla
kahwa bri nanira.

Facilitadora MINIM: Wan Gabamentka yamnikira ninara: Tingki wisna tila dimri bara kasak daihra walisna naiwa kau pramis tara ba daukisa, ban taura bri impaki waya waitna mairin wal kulkanka kumi ba dukiara, mairin ba raitka kli yabaia bara daukanka yamni nani bri kaya, laman laka tnatka bara sut yamnika dukiara, wan taya nanira bara tawan nanira. Mai paiwi banghwisna matira nani ba wali ban waya ulbi saki dauki nani bakku, bara naha pagina web mairin Ministerioka wina.



“¡Mairin nani an pali aiklabanka nani sut kaiki luan, wan rayaka mita wanki ba , kasak lankira aikuki rayaka pura luan nani brin ,bara nanara ban taura auya .Bara pura lui auya . Mapara saurka nani ba yabal wina saki. Kaina mangki ba pura lui. Kahbansa sinska nani yabalkara!”

Cra. Rosario Murillo, 2017



**ikaisa pulaia bara wan ta baikaia sinska tanka ba bara karna daukaia
tanka ba! Ulbanka nani ba kupiam krauks tanka nani briba tila wina**

R	E	S	T	I	T	U	C	I	O	N	D	E	D	E	R	E	C	H	O	S
E	X	V	W	T	Y	J	K	Ñ	M	H	Q	S	T	R	Z	M	B	C	B	W
S	O	A	I	N	L	I	S	N	A	C	B	S	U	D	T	P	U	A	G	C
P	R	O	T	A	G	O	N	I	S	T	A	X	Z	A	Y	O	E	I	L	O
R	V	R	T	Y	O	U	U	T	G	E	Q	R	N	D	Y	D	N	H	I	M
E	X	C	P	V	W	S	R	G	Y	U	E	A	C	I	F	E	A	C	A	P
S	T	E	N	U	O	D	G	D	P	B	A	S	T	U	I	R	S	M	C	L
P	Y	K	A	C	O	R	N	E	Ñ	R	H	L	L	Q	D	A	P	C	Z	E
O	C	V	N	B	M	A	X	Z	T	U	O	E	D	E	Z	M	R	D	E	M
N	T	M	A	S	I	R	O	H	I	L	O	F	Y	A	M	I	A	Y	T	E
S	Q	A	E	S	T	E	R	E	O	T	I	P	O	S	D	E	J	G	O	N
A	Z	R	C	U	G	R	I	O	H	L	M	N	J	E	E	N	L	Ñ	A	T
B	H	E	H	R	H	O	W	J	I	L	H	K	S	T	G	T	P	N	T	A
I	S	M	O	C	C	A	Z	D	V	I	N	L	Q	E	E	O	Y	O	P	R
L	A	O	E	R	G	S	A	O	L	I	T	E	B	O	N	D	D	D	B	I
I	Z	D	Y	O	R	R	O	V	U	E	L	Y	K	A	E	E	C	A	S	E
D	U	E	N	U	Y	A	X	Z	T	U	O	T	Y	N	R	M	U	D	D	D
A	O	L	P	O	N	A	B	T	H	P	T	S	W	O	O	U	Y	I	Y	A
D	C	O	M	P	A	R	T	I	D	A	Z	V	B	D	N	J	G	U	J	D
L	T	E	N	U	O	D	A	D	P	B	C	F	S	X	O	E	F	Q	F	I
Y	K	A	C	O	R	N	E	Ñ	R	H	L	P	X	S	T	R	T	R	Y	S
D	E	R	E	C	H	O	S	H	U	M	A	N	O	S	C	I	O	W	K	Z

1. Raitka nani kli yabaia 2. Taura aimaki ba 3. Kulkanka kumira 4. wal sim baku 5. Upla wal tnatka 6. Mairin nani raitka 7. wan dukia baku briaia mairin ba wina 8. Ta mangkaia 9.wan pahpaiara sunaia aikuki 10. GRUN.

PRAHNIRA

GRUN	Gabament pana pana swapnika swi tiki ba kuntri aslikara.
MINIM	Mairin Ministerioka
MITRAB	Wark Ministerioka
INATEC	Kuntrira sinska raya



Gobierno de Reconciliación
y Unidad Nacional

El Pueblo, Presidente!

MINISTERIO BA MAIRIN DUKIARA

